



Expte. nº SUBV_EVAL_INDIV/2024/6

DIRULAGUNTZA DEIALDIA, BANAKAKO EBALUAZIO-ARAU BIDEAN EMATEKO MUSIKA-TALDEAK SUSTATZEKO 2024ko "ENTSEGU-BONUAK" IZENeko DIRULAGUNTZAK

Deialdi honen xedea da dirulaguntzak banakako ebaluazio-araubidean emateko prozedura garatzea, deialdi honetako B) letran zehaztutako jarduketak egiteko, horrela betez Iruñeko Udaren Dirulaguntzei buruzko Ordenantza Orokorrak xedatutakoa, zeina Iruñeko Udaleko Osoko Bilkurak 2005eko azaroaren 3an hasiera batez hartutako erabakiaren bidez onartu baitzuen –erabaki hori behin betiko bihurtu zen, jendaurreko epean erreklamaziorik aurkeztu ez zelako–. Deialdi honetan aurreikusi gabeko orotan, Dirulaguntzei buruzko Ordenantza Orokorreko aginduak izanen dira aplikagarri. ([2006ko 21. NAO n. otsailaren 17koan, argitaratua](#)).

2024ko ekitaldirako Iruñeko Dirulaguntzen Plan Estrategikoak, musika taldeak laguntzea du xede. Beste alde batetik, plan horren 7. ildo estrategikoan (Gazteria) berariazko dirulaguntza-ildo bat jasotzen da, Musika taldeak sustatzeko dirulaguntza-deialdi bat, eta hori da, hain zuzen ere, ekintza honen helburu nagusia. Horregatik guztia eragatik, 2024ko "entsegu-bonua" izeneko musika-taldeak sustatzeko banakako ebaluazio-araubideko dirulaguntzen deialdia aipatutako plan estrategikoak ezartzen dituen helburu, esparru eta oinarriko ildoekin guztiz bat datorren tresna gisa ikusten da..

A. ENTITATE DEITZAILEA:

1. Administrazio deitzailea:	IRUÑEKO UDALA
2. Organo emailea:	Sustapen Ekonomikoko, Europar proiektuak, Berrikuntzako, Gazteriako eta Garapenerako Lankidetzako Zinegotzi Ordezkaria
3. Alor kudeatzailea:	Sustapen Ekonomikoko, Europar proiektuak, Berrikuntzako, Gazteriako eta Garapenerako Lankidetzako Alorra
4. Instrukzio-organoa:	Dirulaguntza kudeatzen duen Alorreko idazkaritza teknikoa

B. DIRULAGUNTZAREN XEDEA, BALDINTZAK, BETEKIZUNAK ETA HELBURUA:

1. Deialdiaren xedea: Deialdi honen xedea da laguntza-sistema bat ezartzea, deialdi honetan ezarritako baldintza eta betekizunak betetzen dituzten Iruñeko musika-talde/bakarlari gazteek entseatzeko baldintza akustiko eta ekipamendu tekniko onenak dituen lokal bat izan dezaten errazteko, bidenabar sustaturik gazte-elkartegintza eta profesionalki aurrera egiteko aukera ematen duen talde-aisiako jardura baten garapena.
2. Deialdiaren helburua: Deialdi honen xedea da Iruñeko musika-talde gazteek/bakarlariak, hemendik aurrera musika-taldeak/bandak laguntzea, baldin eta D apartatuan adierazitako betekizunak betetzen badituzte, ezaugarri profesionalak dituen entsegu-lokal bat eskura jarrita.
3. Diruz laguntzen ahal diren ekintzak, proiektuak, jokamoldeak eta jarduerak egiteko baldintzak eta epeak: Dirulaguntzak "Entsegu-bonua" du izena; hura eskatu eta deialdi honetako D apartatuan ezarritako betekizunak betetzen dituzten musika-taldeen emanen zaie, eta kasuan-kasuan aukeratutako entsegu-lokalaren alokairuaren zenbatekoa murriztera bideratuko da; alokairua hilekoa edo orduka izan daiteke, bi aldeek zehazten dutenaren arabera.



BANAKAKO EBALUAZIOA

Talde onuradun bakoitzari gehienez 60 euroko dirulaguntza emanen zaio hilean, betiere entsegu-aretoaren alokairuaren faktura zenbateko horren berdina edo handiagoa bada.

Bonuaren xedea den entsegu-lokala libreki aukeratuko dute dirulaguntza honen onuradun diren musika-taldeek, lokalaren erabilgarritasunaren arabera. Entsegu-establezimenduek/lokalak dagokien lizentzia izan eta legezko baldintzak bete beharko dituzte, eta hori ofizioz egiaztatuko da. Establezimendu horien egoitza Iruñerrian egonen da.

Baliteke deialdia kudeatzeaz arduratzen diren udal-zerbitzuak establezimenduarekin harremanetan jartzea deialdiaren funtzionamendua eta haren helburuak egiaztatzeko, eta hori jakinaraziko zaie lokalak erabili eta Udalaren dirulaguntzaren onuradun diren bandeia.

Diruz lagundutako jarduerak egiteko epea 2024ko urtarrilaren 1etik abenduaren 31ra izanen da.

4. Baloratzeko betekizunak, bideak eta lehentasunak:

☒ BAI ☐ EZ

Espedienteak izapidetuko dira eskaerak jaso ahala, udal-erregistroan sartzen diren hurrenkeran.

Dirulaguntza eskaera-hurrenkeraren arabera emanen da, deialdi honetan ezarritako betekizunak betetzen direla kontuan hartuta. Dirulaguntza emanen da eskaerei erantzuteko aurrekontu-kontsignazioak iraun bitartean.

C. AURREKONTU-KREDITUAK, DIRULAGUNTZEN GEHIENEO ZENBATEKO OSOA ETA BANAKAKO ZENBATEKOA:

1. Deialdian gehienez ezarritako zenbateko osoa: 12.000 €

Apartatu honen amaieran adierazitakoa ezertan galarazi gabe, aipatu kontsignazioa agortzen bada eta Sustapen Ekonomikoko, Europar proiektuak, Berrikuntzako, Gazteriako eta Garapenerako Lankidetzako Alorreko Gazteria Unitatean 2024. urteko ekitaldi honetarako aurreikusitako beste jardueretako batzuk ez badira gauzatu, erabilgarri dauden zenbatekoak deialdi honetan erabiltzen ahalko dira.

Hori horrela, gehikuntza horren onuradun izanen dira eskaera deialdi honekin bat eta eskaerak aurkezteko epearen barruan egin duten talde eskatzaileak, baldin eta prestazio ekonomikorik jaso gabe gelditu badira kreditua agortzearen ondorioz.

Dirulaguntzek ezin izanen dute gainditu deialdi honetan ezarritako zenbatekoa.

2. Aurrekontu-partida: 90/33702/480000

3. Banakako gehienezko zenbatekoa eta hori zehazteko irizpideak: Talde/bakarlari bakoitzak jasoko duen dirulaguntzaren edo "Entsegu-bonua" delakoaren zenbatekoa, gehienez, 720 eurokoa izanen da 2024ko deialdi honetan.

Hilabeteen 60 euro banatuko dira talde/bakarlari bakoitzeko, aukeratutako entsegu-lokalaren hilabeteko alokairua murrizteko. Hileko alokairu hori hilabeteka alokatzen duten aretoetan izan daiteke, edo, bestela, hilean 8 entsegu-ordu beteko ditu, orduka alokatzea ahalbidetzen duten areto edo establezimenduetan.

Diruz lagundutako taldeak entsegu-aretoa beste banda batekin edo batzuekin partekatzen badu, D apartatuan deskribatutako ezaugarriak bete ala ez, taldeak entsegu-aretoari zenbat ordaindu eta hori diruz lagunduko da bakarrik, hilean 60 euro gehienez.

4. Urte anitzeko deialdia: ☐ BAI ☒ EZ

Urte anitzeko deialdia izanez gero, urte anitzeko gastuetarako baimena eta konpromisoa dagokien aurrekontuetan ekitaldi bakoitzerako ezartzen den kredituaren menpe egonen dira.



BANAKAKO EBALUAZIOA

5. Urtekoak:

Urteko arrunta:	12.000 €	2. urtekoa:	€	4. urtekoa ()	€
1. urtekoa ()	€	3. Urtekoa ()	€		

D. PERTSONA EDO ENTITATE ONURADUNA IZATEKO BETE BEHARREKO BALDINTZAK:

1. Pertsona edo entitate onuraduna izateko bete beharreko baldintzak:

Dirulaguntza ematea zertan oinarritzen den eta egoera horretan dauden pertsonak edo entitateak izaten ahal dira onuradun, baldin eta ondoren aurreikusten diren inguruabarretan badaude, eta betiere Dirulaguntzei buruzko Ordenantza Orokorren 10. artikuluan ezartzen diren ezein debeku-ziok ukitzen ez baditu, salbu deialdiaren izaera kontuan izanik azken baldintza horren salbuespena egiten bada eta apartatu honetan hala egin dela adierazten bada.

Berariazko betekizunak: ☒ BAI ☐ EZ

1.- Dirulaguntzaren onuradun izaten ahalgo dira musika-taldeak, nortasun juridiko propioa izan ala ez, bai eta bakarlari gisa jarduten duten pertsonak ere, nortasun fisikoa edo juridikoa badute.

2.- Dirulaguntzaren onuradun izanen dira, Dirulaguntzei buruzko Ordenantzaren 8.3. artikuluan ezarritakoarekin bat, nortasun juridikorik gabeko pertsona fisiko edo juridikoen taldeak –publikoak zein pribatuak izaki–, eta berariaz adierazi beharko dute, hala eskaeran nola dirulaguntza emateko ebazpenean taldekide bakoitzak betetzeko hartzen dituen konpromisoak eta horietako bakoitzari aplikatu behar zaion dirulaguntzaren zenbatekoa. Taldeotako kideak, bestalde, onuraduntzat joko dira. Nolanahi ere, elkartearen ordezkari edo ahaladun bakarra izendatu behar da, eta ahalorde askietsia eman behar zaio elkarteak onuradun gisa dituen betebeharrak bete ditzan. Taldea ezin izanen da desegin harik eta Dirulaguntzei buruzko Ordenantza Orokorren 47 eta 58. artikuluetan ezarritako preskripzio epea iragan arte.

3.- Nahitaez, bandako kideen bi herenek, gutxienez, 14 eta 30 urte bitarte izan behar dituzte. Bi heren horien kalkulua egitean, lortzen den emaitza zenbaki oso bat ez den musika-taldeen kasuan, ondoren zehazten den moduan biribilduko da:

- Lehenengo zifra hamartarra 5 baino txikiagoa bada (1,2,3 edo 4), horren aurreko zenbaki osora biribilduko da.

- Lehenengo zifra hamartarra 5 edo handiagoa bada (5,6,7,8 edo 9), horren hurrengo zenbaki osora biribilduko da.

Bakarlarien kasuan, 14-30 urte bitarte izan behar dituzte.

4.- Taldea osatzen duten pertsonen erdiek, gutxienez, Iruñean erroldatuta egon behar dute edo, bestela, bizilekua bertan dutela egiaztatu behar dute, errentamendu-kontratu bidez. Bakarlarien kasuan, Iruñean erroldatuta egon behar dute edo, bestela, errentamendu-kontratuaren bidez egiaztatu behar dute egiazki bertan bizi direla.

5.- Taldekide berak dituen talde bat ezin izanen da izen ezberdinekin aurkeztu; hala ere, pertsona bat aldi berean bi talde ezberdinetako kide izan daiteke, halakorik gertatuz gero.

Baldintza horiek dirulaguntza indarrean dagoen bitartean mantendu beharko dira, eta Iruñeko Udalari jakinarazi beharko zaizkio emandako dirulaguntza itzultzea ekar dezaketen gertatutako aldaketa guztiak.

Dirulaguntzaren izaera berezia dela medio, pertsona edo entitate onuradunak salbuetsita daude Dirulaguntzei buruzko Ordenantza Orokorren 10.2 artikuluan araututako betekizunak betetzen dituztela egiaztatzen:

☐ BAI ☒ EZ



2. Nola egiaztatu pertsona edo entitate onuradun izateko betekizunak betetzen direla: Deialdi honen G.4) apartatuan eskatzen diren agiriak eta informazioa aurkeztuta, dirulaguntzaren eskaerarekin batera.

E. PERTSONA EDO ENTITATE ONURADUNEN BETEBEHARRAK:

Deialdi honen ondorioetarako, pertsona edo entitate onuradunen betebeharrak dira Dirulaguntzei buruzko Ordenantza Orokorraren 11. artikuluan eta apartatu honetan ezartzen direnak.

Berariazko betebeharrak:

☒ BAI ☐ EZ

1.- Dirulaguntzaren onuradunek benetan erabili beharko dute hilean 60 euroko dirulaguntza entsegu-lokalen fakturak 2024ko abenduaren 31ra arte ordaintzeko.

2.- Onuradunek dirulaguntza emateko betekizunen aurka egin dezakeen edozein aldaketa jakinarazi beharko dute.

3.- Udalak ez du bere gain hartuko alokatutako instalazioak edo baliabide materialak gaizki erabiltzearen gaineko erantzukizunik, ez eta entsegu-establezimenduaren esparruan egiten diren jarduera partikularretatik erator daitezkeen erantzukizun zibil edo penalik ere.

4.- Iruñeko Udalak beharreko agiri guztiak ofizioz egiaztatu eta/edo eskatzen ahalko ditu, dirulaguntzaren onuradun izateko oinarri hauetan eskatutako baldintzak egiaztatze aldera.

5.- Berdintasun-printzipioa txertatzea genero-berdintasunean aurrera egiten edo hura lortzen eragin positiboa izan dezaketen Udalaren dirulaguntzaren xede diren jardueretan.

6.- Musika-taldeek egindako agiri, publizitate, irudi zein material orotan hizkuntza ez-sexista erabili beharko da, eta ekidin emakumeen irudi baztertzaille eta estereotipo sexista oro; halaber, honako balio hauek sustatuko dira: berdintasuna, presentzia orekatua, aniztasuna, erantzunkidetasuna eta genero-rol eta -nortasun askotarikoak.

Iruñeko Udalaren edo haren erakunde autonomoen dirulaguntzak jasotzen dituzten entitateek behar bezalako publizitatea eta hedapena eman beharko diote dirulaguntzaren xede diren jarduera edo proiektuen udal-finantzaketaren izaera publikoari. Horretarako:

- Komunikazio edo publizitate idatzi zein grafikoetan (liburuxka, kartel, katalogo, webgune, prentsa-iragarki, publizitate digital, telebista eta abarretan) Udalaren logotipoa txertatu beharko da, eta honako legenda hau: "Laguntzailea: Iruñeko Udala". Udalaren logotipoa dirulaguntza jaso duen entitatearenak duen tamaina berekoa izanen da gutxienez.
- Irratian eta beste komunikabide ez-grafikoetan egiten den komunikazio edo publizitatean lokuzio



BANAKAKO EBALUAZIOA

hau txertatu beharko da: "[Jarduera / Proiektu] hau Iruñeko Udalaren laguntzarekin egin da".

- Promozio- edo publizitate-oparietan eta dirulaguntzak finantzatzutako beste edozein gauza edo produktutan Iruñeko Udalaren logotipoa duen etiketa bat jarri beharko da.

Betebehar hau ez bada betetzen dirulaguntza itzuli beharko da.

Dirulaguntza zehazki zer xedetarako eman eta horretan erabiltzeko betebeharra, Dirulaguntzei buruzko Ordenantza Orokorren 29.4 artikuluekin bat: ☐ BAI ☐ EZ

Xede-epea:

F. PROIEKTUAREN ALDAKETAK:

Proiektuan aldaketak egiteko aukera:

☐ BAI ☒ EZ

G. ESKAERAK NON ETA NOIZ ARTE AURKEZTU:

1. Eskaerak non aurkeztu:

Administrazio Publikoarekiko harremanak elektronikoki edukitzera beharturik ez dauden pertsona fisikoek haien eskaerak telematikoki aurkez ditzakete Iruñeko Udalaren Egoitza Elektronikoa (www.pamplona.es/eu), edo aurrez aurre Iruñeko Udaleko Erregistro Orokorrean (Kondestablearen jauregia. Kale Nagusia 2, behea), erregistro osagarrietan, edo, bestela, Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikuluan aurreikusitako beste edozeinetan.

Nortasun juridikoa duten entitateek, bai eta Administrazio Publikoarekiko harremanak elektronikoki edukitzera beharturik dauden nortasun juridikorik gabeko beste entitateek eta pertsona fisikoek ere eskaera telematikoki aurkeztu beharko dute nahitaez, Iruñeko Udaleko Egoitza Elektronikoa (www.pamplona.es/eu).

2. Eskaerak aurkezteko epea:

Deialdia Nafarroako Aldizkari Ofizialean argitaratu eta biharamunetik aitzina eta 2024ko urriaren 10era bitarte, egun hori barne.

Eskabideek urtarilaren 1era arteko atzeraeragina izanen dute, eta hileko dirulaguntza urtarilaren 1etik aitzina jasotzen ahalko dute, betiere fakturak eta ordainagiriak horretarako ezarritako epea amaitu baino lehen egiaztatzen badira (Ñ.2 apartatua).

Aipatutako epetik at aurkeztutako eskaerak ez dira onartuko.

3. Eskaerak eta agiriak nola aurkeztu:

Eskaerak interesdunak edo zuzenbidean baliadun den edozein bide baliatuta ordezkari dela egiaztatzen duen pertsona batek sinaturik aurkeztutako eskabide bidez egin behar dira, deialdi honen I. eranskinetako ereduarekin bat. Eskaerarekin batera, deialdi honen G.4) apartatuak aipatzen dituen agiriak eta argibideak aurkeztuko dira.

Eskaera batek ez baditu betetzen deialdi honetan ezarritako betekizunak, interesdunari eskatuko zaio gehienez ere hamar eguneko epe luzaezinean zuzendu dezala edo nahitaezko agiriak aurkez ditzala, eta ohartaraziko zaio ezen, hala egin ezean, ulertuko dela eskaera bertan behera utzi duela, betiere aldez



aurretik ebazpena emanen delarik, urriaren 1eko Administrazio Publikoen Administrazio Prozedura Erkidearen 39/2015 Legearen 21. artikulua aurreikusitakoarekin bat.

Baldin eta galdatutako agiriak Iruñeko Udalaren edo haren mendeko erakunde autonomoen eskuetan badaude, haien ordezkariaren erantzukizunpeko adierazpena aurkeztu behar da indarrean direla egiaztatzeko, bertan adieraziz noiz eta zein organo edo bulegotan aurkeztu ziren edo, hala badagokio, nork eman zituen edo non dauden jasota; hori guztia, betiere, ez badira bete bost urte baino gehiago agiriari dagokien prozedura amaitu zenetik.

Dirulaguntza jasotzeko eskaera aurkezteak berekin dakar deialdi honen oinarriak oso-osorik onartzea.

4. Eskabidearekin batera aurkeztu beharreko agiriak:

Interesdunek agiri hauek aurkeztu beharko dituzte:

a) Eskatzailearen nortasuna egiaztatzen duten agiriak, eta, halakorik balitz, haren izenean ari den ordezkariaren nortasuna egiaztatzeak.

Nortasun juridikorik gabeko musika-talde eta/edo bakarlariek, deialdi honen I., II., III. eta IV. eranskinean gain, honako hauek aurkeztu beharko dituzte:

- Taldekide guztien NANA edo legearekin bat hori ordezkatzeko duen agiria.

Juridikoki eratutako musika-talde eta/edo bakarlariek, deialdi honen I., II., III. eta IV. eranskinean gain, honako hauek aurkeztu beharko dituzte:

- Sozietatearen eraketa-egiaztapena, betiere, dagokion erregistroan izena emanda.

- Taldekide guztien NANA edo legearekin bat hori ordezkatzeko duen agiria.

- Identifikazio Fiskaleko Zenbakia egiaztatze txartela (IFZ).

b) Erantzukizunpeko adierazpena, deialdi honen II. eranskina eredu hartuta, ziurtatzeko eskatzaileak bete egiten dituela onuradun izateko Dirulaguntzei buruzko Ordenantza Orokorra eskatzen dituen betekizun orokorrak zein deialdi honek eskatzen dituen berariazkoak, eta ezein debeku-ziok ez duela ukitzen, Dirulaguntzei buruzko Ordenantza Orokorren 10. artikuluan aipatzen diren artetan.

c) Eskatzaileak zergeta eta Gizarte Segurantzari buruzko betebeharrak eguneratuak dituela ziurtatzeko, honako agiri hauek:

☐ Administrazio eskudunek emandako ziurtagiriak.

☒ Eskatzailearen erantzukizunpeko adierazpena, ziurtatzeko aipatu betebeharrak eguneratuak dituela. Kasu horretan, dirulaguntza emateko ebazpen-proposamena egin aurretik, interesdunari eskatu beharko zaio aurkez ditzala, 15 eguneko gehieneko epean, adierazpenean jasotako datuak egiazkoak direla ziurtatzen duten agiriak (administrazio eskudunek emanak).

Udalak ofizioz egiaztatuko du interesdunak egunean dituela berarekiko tributu-betebeharrak, eta egiaztapen hori dagokion eginbidearen bitartez adieraziko du.

Musika-taldeen kasuan, taldekide guztiek banakako Erantzukizunpeko Adierazpena sinatu beharko dute, deialdi honen II. eranskinarekin bat.

Ofizioz egiaztatuko da Iruñean erroldaturik daudela, D apartatuan ezarritako betekizunekin bat.

Iruñeko Udalak dirulaguntza honen onuradun diren eskatzaileek betekizunak betetzen dituztela eta egiazkoak direla egiaztatze beharrezkotzat jotzen dituen agiriak eskatzen ahalko ditu.

d) Eskatzailea nortasun juridikorik gabeko pertsona fisiko edo juridikoen elkarrekin bat bada –horiek publikoak zein pribatuak izan–, eskaeran berariaz adierazi beharko da elkarteko kide bakoitzak zer



BANAKAKO EBALUAZIOA

egiteko konpromisoa hartu duen eta zenbateko dirulaguntza aplikatuko den kide bakoitzeko. Kideok ere onuraduntzat joko dira. Nolanahi ere, elkartearen ordezkari edo ahaldun bakarra izendatu behar da, eta ahalorde askietsia eman behar zaio elkarteak onuradun gisa dituen betebeharrak bete ditzan.

e) Adierazpen bat, non jakitera emanen baitira beste zenbait administrazio, entitate edo pertsona publiko zein pribaturi helburu bera lortzeko eskatutako edo haiengandik jasotako dirulaguntzak, bertan zehaztuta entitate emaileen izenak, eskatutako kopuruak eta jasotako zenbatekoak. (Ikusi, behar izanez gero, deialdi honen III. eranskina). ☒ BAI ☐ EZ

f) Memoria, eskatzen den dirulaguntzari lotutako proiektu, ekintza, jarduera edo programa deskribatzen duena.

Deialdi honetara aurkezten diren musika-taldeei eta/edo bakarlariei ez zaie eskatuko jardueren memoria eta programa aurkeztea, eta/edo helburuak betetzea.

Agiriek jatorrizkoak izan behar dute, edo horien kopia konpultsatuak, edo, bestela, indarreko legeekin bat kautoak diren kopiak.

H. PROZEDURAREN INSTRUKZIOA ETA EBAZPENA. EBAZPENAREN JAKINARAZPENA:

1. Prozeduraren instrukzioa: Espedienteak jaso ahala tramitatu eta ebatziko dira, horretarako aurrekontu-krediturik dagoen bitartean, betiere deialdi honen B.4) apartatuan zehaztutako betekizunen, moduen eta balorazio-lehentasunen arabera. Ebazpen-proposamena, behar bezala arrazoiturik, instrukzio-organoak emanen du, espedientea kontuan harturik, eta ebazteko eskumena duen organoari helaraziko dio.

2. Ebazteko eta jakinarazteko epea: Bi hilabete, Iruñeko Udaleko udal-erregistroan eskaera jaso zenetik.

Dirulaguntzak emateko ebazpenak arrazoitua izan beharko du, eta bertan berariaz zehaztuko dira honako hauek: dirulaguntzak jasoko dituzten pertsona edo entitate eskatzaileak, laguntzen zenbatekoak eta, eskaerak ezetsiz gero, haien eskatzaileak diren pertsonak edo entitateak.

Dirulaguntzak emateko ebazpenak amaiera emanen dio administrazio-bideari, eta pertsona edo entitate eskatzaileei jakinaraziko zaie, urriaren 1eko Administrazio Publikoen Administrazio Prozedura Erkidearen 39/2015 Legearen 40. artikuluan agindutakoarekin bat.

3. Ebazteko eta jakinarazteko gehieneko epearen hasiera-data:

- Deialdiaren laburpena Nafarroako Aldizkari Ofizialean argitara ematen den eguna: ☐ BAI ☒ EZ
- Tramitatzeko eskumena duen organoaren erregistroan eskaera sartu den eguna: ☒ BAI ☐ EZ
- ☐ Epea kontatzeko beste sistema bat:

Behin prozedura ebazteko gehieneko epea berariazko ebazpenik eman gabe igarota, eskaera ezetsizat joko da.

I. EMANDAKO DIRULAGUNTZEN PUBLIKOTASUNA:

Dirulaguntzak emateko ebazpena argitaratzeko beharra: ☒ BAI ☐ EZ

Aurrekoa gorabehera, azaroaren 17ko Dirulaguntzei buruzko 38/2003 Lege Orokorraren 18.2. artikuluan



adierazitakoarekin bat, Udalak Dirulaguntzen Datu-base nazionalera igorriko ditu argibideak, aipatu legearen 20. artikulua ezartzen dituen baldintzekin bat emandako dirulaguntzen gaineko ebazpenei buruz.

J. DIRULAGUNTZEN XEDE DIREN GASTUAK:

1. Dirulaguntzen xede izaten ahal diren gastuen zehaztapena:

Diruz laguntzeko moduko gastutzat joko dira dirulaguntzen xede den jarduerarekin ez bairik gabe bat datozenak, baldin eta behar-beharrezkoak izan eta deialdi honen J.2) apartatuan ezarritako epean egiten badira. Zehazki, deialdi honen ondorioetarako, honako gastu hauek diruz laguntzen ahalko dira:

- Diruz laguntzen ahalko da bakarrik musika-entseguetarako lokalaren alokairuaren kontzeptu gisa musika-taldeek horretarako egokiak diren establezimenduetan/entsegu-aretoetan egiten duten gastua. Alokairutzat joko da legalki eratua dagoen enpresarekin / entsegu-aretoarekin benetan formalizatua dagoena, eta hura dagokion fakturaren bidez egiaztatu beharko da.

- Taldeak entsegu-aretoari ordaintzen dion prezio zehatza soilik laguntzen ahalko da diruz, hilean 60 euro gehienez ere, betiere fakturaren zenbatekoa zenbateko horren berdina edo handiagoa bada.

Dirulaguntzaren xede diren gastuetan, kostua ezin izanen da inoiz izan merkatuko balioa baino handiagoa.

Egindako gastutzat joko dira deialdi honen J.2) apartatuan ezarritako justifikazio-aldia amaitu baino lehen benetan ordaindutakoak: ☒ BAI ☐ EZ

Honako gastu hauek ez dira inoiz ere dirulaguntzen xede izanen:

- Entsegu-establezimenduek jarritako instrumentuak erabiltzea.
- Dirulaguntza honen xedetik kanpo geratuko dira musika-entsegurako kontratatutako lokala erabiltzea ez den beste gastu guztiak, hala nola ura, argindarra, konponketak edo entsegu-establezimenduak bere baldintza partikularretan eskatu eta bezeroek bere gain hartu behar duten beste edozein erantzukizun.

2. Dirulaguntzen xede izaten ahal diren gastuak egiteko epea: 2024ko urtarrilaren 1etik 2024ko abenduaren 31ra, bi egun horiek barne.

K. AZPIKONTRATAZIOA:

Jarduera osorik edo zati batean hirugarrenek egitea hitzartzeko aukera, Dirulaguntzei buruzko Ordenantza Orokorraren 30. artikuluan ezarritakoarekin bat:

☐ BAI ☒ EZ

Ehunekoa:

L. DIRUZ LAGUNDUTAKO JARDUEREN FINANTZAKETA:

Pertsona edo entitate onuradunek diruz lagundutako jarduerak finantzatu beharko dituzte, beren ekarpenen edo beste bide batzuen bitartez, letra honetan zehaztutako zenbateko edo ehunekoan. Finantzaketa horren zenbatekoa, jatorria eta dirulaguntzaren xedea den jarduerari aplikatzeko era justifikatzeko betebeharra:

☐ BAI ☒ EZ

Zenbatekoa edo ehunekoa:



M. DIRUZ LAGUNDUTAKO JARDUERAREN BATERAGARRITASUNA EDO BATERAEZINTASUNA:

Udalaren dirulaguntza jasotzea ☒ BATERAGARRIA ☐ BATERAEZINA da helburu bererako beste dirulaguntza, laguntza, diru-sarrera edo baliabide batzuk jasotzearekin, kontuan hartu gabe zer administrazio, entitate edo pertsonak eman dituen laguntza horiek.

Dirulaguntzaren zenbatekoa ez da inola ere izanen, berez edo beste dirulaguntza, laguntza, diru-sarrera edo baliabideak gehituta, dirulaguntza horien xede den jardueraren kostua baino handiagoa. Halakorik gertatuko balitz, bidezkoa izanen da kostuaren gainetik lortutako soberakina itzularaztea, bai eta dagozkion berandutze-interesak eskatzea ere.

Dirulaguntzaren xede diren jarduerak finantzatzeko beste dirulaguntza, laguntza, diru-sarrera edo baliabiderik eskatu edo lortuz gero, pertsona edo entitate onuradunak horren berri eman beharko dio organo emaileari. Jakinarazpen hori bestelako laguntza horiek erdietsi direla jakin bezain laster egin behar da, eta, betiere, hartutako funtsei emandako aplikazioa justifikatu baino lehen.

N. ORDAINKETA:

1. Nola ordaindu: Dirulaguntzak modalitate honen arabera ordainduko dira:

☒ Diruz lagundutako ekintzak, proiektuak, jarrerak edo jarduerak justifikatu ondorengo ordainketa.

- Musika-taldeek/bandek dagokion hileko alokairuaren faktura aurkeztu beharko dute, hura ordaindu izanaren egiaztagiriarekin batera, dirulaguntza ordaintzeko eskaera gisa.

- Hainbat hilabetetako ordainketak metatu eta batera aurkezten ahalko dira, dagozkien faktura korrelatiboekin eta ordainagiriekin batera.

- Gazteria Unitateko lantalde teknikoak emandako datuen egiazkotasuna berraztertuko du, eta ordaintzeko ebazpen-proposamena organo eskudunari igorriko dio.

☐ Konturako ordainketa:

☐ Ordainketa zatikatua:

☐ Ordainketa aurreratua:

☐ Ordainketa mistoa, ordainketa zatikatuaren eta aurreratuaren artekoa:

Dirulaguntzak ezin izanen zaizkie ordaindu pertsona edo entitate onuradunei, ez badituzte eguneraturik tributu-betebeharrak zein Gizarte Segurantzarekikoak, edo diru-itzulketa bidezkoa dela xedatu duen ebazpen batek zorduntzat jotzen baditu.

Aurrekoa gorabehera, Iruñeko Udalak ofizioz kitatzen ahalko ditu dirulaguntzen onuradunengandik kobratzeke dituen zorrak. Zor dituzten kopuruak dirulaguntzari dagozkioneekin konpentsatuko dira, emandako dirulaguntza osoarekin edo zorrari dagokion zatiarekin.

Onuradunek dirulaguntza kobratzeko eskubidea galduko dute, osorik edo hein batean, justifikazio egokirik aurkeztu ezean, edo azaroaren 17ko Dirulaguntzei buruzko 38/2003 Lege Orokorrean edo Dirulaguntzei buruzko Ordenantza Orokorrean aurreikusitako itzulketa-zioren bat gertatzen bada.



2. Bermeen eraketa:

☐ BAI ☒ EZ

Eratzeko modua eta zenbatekoa:

Ñ. JUSTIFIKAZIOA:

1. Justifikatzeko modalitatea: Ezarritako baldintzak bete eta dirulaguntza ematerakoan aurreikusitako helburuak lortu direla justifikatzeko, modalitate hau erabiliko da:

☐ Justifikazio-kontua:

☐ Justifikazio-kontua, gastuen ziurtagiria aurkeztuta (Ordenantzaren 35. artikuluan ezarritako aginduekin bat).

☐ Justifikazio-kontua, kontu-ikuskaritzaren txostena aurkeztuta:

Bestelako edukirik: ☐ BAI ☐ EZ

☐ Justifikazio-kontu erraztua:

☐ Gastuaren egiaztapena moduluka (Dirulaguntzei buruzko Ordenantza Orokorraren 37. artikuluan ezarritako aginduekin bat):

Zehaztu beharrekoak:

Modulua osatuko duten unitateak:

Moduluaren unitate-kostua:

Gainerako inguruabarrak:

☐ Kontabilitate-orrien aurkezpena:

Pertsona edo entitate onuradunak ziurtagiri bat aurkeztu beharko du egiaztatzeko aurkeztutako kontabilitate-orriak ofizialak direla, eta entitateko organo eskudunak behar bezala onetsi dituela.

☒ Beste sistema bat:

Dirulaguntza justifikatuko da diruz lagundutako epeari dagokion faktura originala eta benetan ordaindu izanaren agiria, hala nola banku ziurtagiria edo antzekoa aurkeztuta, ordaindu dela egiaztatzeke.

Agiri horiek entregatu beharko dira Iruñeko Udalaren udal-erregistroetan, edo izapide telematikoaren bidez www.pamplona.es webgunean, deialdi honen G apartatuan jasota dagoen bezala.

Gazteria Unitateak justifikazio-txosten bat igorriko du ordainketa bat eginen den bakoitzean, bertan sartuta diruz lagundutako musika-taldeei dagozkien datuak, onartutako fakturak eta egin beharreko ordainketak justifikatzen dituen beste edozein datu.

2. Justifikazioa aurkezteko epemuga: 2024ko abenduak 31, egun hori barne.

Ezarritako epearen barruan aurkezten ez diren fakturak eta ordainagiriak, ez dira onartuak izanen eta, hortaz, ez dira ordainduko.

O. DIRUA ITZULARAZTEKO BERARIAZKO ARRAZOIAK:

Zilegi izanen da hala jasotako dirulaguntzak itzularaztea, osorik edo hein batean, nola berandutze-interesak galdatzea –dirulaguntzak kobratu eta hortik aitzina, dirua itzultzea bidezkoa dela erabakitako egunera arte–, Dirulaguntzei buruzko Ordenantza Orokorraren 45. artikuluan eta apartatu honetan aurreikusitako gainerako kasuetan ageri diren itzularazteko arrazoiak batek ukitzen badu onuraduna.



BANAKAKO EBALUAZIOA

Dirua itzularazteko berariazko arrazoiak: ☒ BAI ☐ EZ

Musika-taldeek/bandek jasotako zenbatekoak itzuli beharko dituzte, dirulaguntzaren talde onuradunek hura jaso eta dirulaguntzaren xedea ez dutela gauzatu frogatzen bada.

P. ERREKURTSOAK:

Deialdi honen, oinarri hauen eta haiek betearazteko hartzen ahal diren administrazio-ebazpenen aurka, errekurtsio hauek paratzen ahalko dira, aukeran:

- Berraztertze errekurtsioa, administrazio-egintzaren egile den udal-organoari zuzendua, hilabeteko epean, errekurritzen den egintza jakinarazi edo, bestela, argitara eman eta biharamunetik aitzina.
- Gora jotzeko errekurtsioa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratu eta hortik aitzina.
- Administrazioarekiko auzi-errekurtsioa, Iruñeko Administrazioarekiko Auzien Epaitegiari zuzendua, bi hilabeteko epean. Epe hori errekurritzen den egintza jakinarazi edo argitaratu eta biharamunetik aitzina kontatuko da.

Q. KONTUAN HARTU BEHARREKO BESTE BATZUK:

R. ERANSKINEN AURKIBIDEA:

☒ **I. ERANSKINA. ESKABIDE-EREDUA.**

ESKABIDEA Taldeen izen-ematea. Parte-hartzaileen datuak.

☒ **II. ERANSKINA. ERANTZUKIZUNPEKO ADIERAZPENA, ONURADUNAK BETEKIZUNAK BETETZEN DITUELA ETA ONURADUN IZATEKO EZEIN DEBEKU ZIOK UKITZEN EZ DUELA ZIURTATZEKO.**

☒ **III. ERANSKINA. ERANTZUKIZUNPEKO ADIERAZPENA, XEDE BERERAKO DIRULAGUNTZAK ESKATU IZANAREN GAINEAN.**

☒ **ERANSKIN OSAGARRIAK.**

IV. ERANSKINA: Transferentzia bidez ordaintzeko eskabidea (pertsona edo entitatea lehenengo aldiz aurkezten bada deialdi honetara edo kontu-zenbakia aldatu badu)

IV. ERANSKINA BETETZEKO JARRAIBIDEAK.